



SIUMUT INATSISARTUNI ILAASORTAATITAT / LANDSTINGSGRUPPEN

Inatsisartut suleriaasiat § 37 naapertorlugu Naalackersuisunut imaattumik apeqquteqarniarpunga.

12.09.2011

Naalackersuisunut Apeqqut:

Ullumikkut nunatsinni sanaartornerup allaffissornerullu iluani ilinniagaqarsimasut suliffissaqanngitsut qanoq amerlatigineri Naalackersuisunit ilisimaneqarnerlutik?

Ukioq 2010 aamma 2011 sanaartornerup allaffissornerullu iluani nunatta avataaniit qanormita amerlatigisut sulisussariarinqarsimappat/tikisinneqarsimappat?

(Inatsisartunut ilaasortaq Malik Berthelsen, Siumut)

Tunngavilersuut:

Inatsisartuni Ilaasortap, Julienne Henningsenip nunatta avataaniit suliartorniartunut piumasaqaatit sukaterneqarsinnaanerinit Naalackersuisunut apeqqutaanut akivusi, sukaterinissaq pisariaqanngitsutut isigalusiuk ajornartorsiullu innuttaasut piginnaanngorsarnerisigut qaangerneqarsinnaasutut oqaatigalusiuk.

Taamatut Naalackersuisunit naliliineq innutaasunik ilinniagaqarsimasunik nikaginninnertut taasariaqartutut isumaqarpunga.

Ukiunimi kingullerni Nuup avataani sanaartornerup ingerlanneqarpianginnera pissutigalugu assarsornermik suliaqartut suliasaqannginnerat tusartuarparput, allatullu ajornartumik Nuummumut suliffisarsiorlutik misiliisaraluarlutik suliffissaminnik iluatsitsineq ajortut, sanaartornerup iluani aamma Nuummi suliffissaaleqisoqarnera pissutigalugu.

Piginnaanngorsarneq piginnaanngorsartuarnissarlu tamatta isumaqatigaarput. Kisianni nunaqavissut suliffissaaleqisinnerisut atorumanninnerisigullu piginnaanngorsarneqarsinnaanngillat!

Isumaqarpunga suliffissaaleqisoqartillugu nunaqavissut pinngitsooratik salliutinneqartariaqartut. Nunattami innuttaasut suliffeqanngitsut akissaqartinngilai.

Allaffissornermik ilinniagaqarsimasut ilanngullugit apeqqutigineranut pissutaavoq, ukiuni kingullerni selsakbit unammillersinnaanissaq tunngavilersuutigalugu sulisuminnik ikililinerat ingerlanneqarnera pissutigalugu aamma allaffissornermik suliallit suliffissaminnik ajornartorsiormata.